



Broj: 02-03-194-2/20.
Sarajevo, 13.03.2020. godine

Na osnovu člana 262 Zakona o upravnom postupku („Službene novine Federacije BiH“, br: 2/98 i 48/99) i ovlaštenja iz člana 14. u vezi sa članom 16. Statuta Kantonalnog stambenog fonda Sarajevo, broj: 02-169-2/2006 od 06.02.2006. godine i broj: 01-1344-6/2012 od 27.07.2012. godine, Direktor Kantonalnog stambenog fonda Sarajevo, kao Ugovornog organa, d o n o s i

O D L U K U

o ukidanju Odluke o pokretanju postupka javne nabavke robe: Nabavka kancelarijskog materijala

I

Ukida se Odluka o pokretanju postupka javne nabavke robe-Nabavka kancelarijskog materijala, broj 02-03-194/20 od 04.02.2020. godine.

II

Ova odluka stupa na snagu danom donošenja i objavit će se na internet stranici Ugovornog organa.

Obrazloženje

U skladu sa usvojenim Planom javnih nabavki Kantonalnog stambenog fonda Sarajevo za 2020. godinu, planirana je nabavka kancelarijskog materijala, za što su obezbjeđena potrebna finansijska sredstva u skladu sa Finansijskim planom ovog pravnog lica kao Ugovornog organa u okviru kojeg su dostatna sredstvau iznosu od 4.000,00 KM bez PDV-a predviđena na Ekonomskom kontu broj: 5113-Troškovi nabavke kancelarijskog materijala.

Javna nabavka robe-nabavka kancelarijskog materijala pokrenuta je Odlukom Kantonalnog stambenog fonda Sarajevo o pokretanju postupka javne nabavke robe-Nabavka kancelarijskog materijala, broj: 02-03-194/20 od 04.02.2020. godine.

Kako je nakon donošenja naprijed navedene odluke uočeno da provođenje javne nabavke podrazumjeva i zaključivanje ugovora sa najpovoljnijim ponuđačem za planirani iznos iz Plana javnih nabavki Kantonalnog stambenog fonda Sarajevo za 2020. godinu, što ne predstavlja opredjeljenje Ugovornog organa, to je odlučeno da se pristupi ukidanju predmetne odluke kako bi se planirana javna nabavka realizovala prema opredjeljenju Ugovornog organa, a što će se potvrditi donošenjem posebne odluke o pokretanju postupka konkretne javne nabavke.

Konkretnije, stvarna namjera Ugovornog organa je da se predmetna javna nabavka provede putem Direktnog sporazuma donošenjem jedinstvene odluke o pokretanju postupka, koja bi predstavljala pravni osnov za provođenje svih pojedinačnih javnih nabavki koje će se u navedenom periodu provesti putem Direktnog sporazuma, čime će se postići puna efikasnost u provođenju ovog oblika javne nabavke i zadovoljiti kontinuirana potreba ovog ugovornog organa za ponavljanjem istovrsne nabavke usluga iz predmeta iste u toku 2020. godine (nabavka robe-nabavka kancelarijskog materijala).

Na osnovu svega naprijed navedenog, a cijeneći odredbe člana 262. Zakona o upravnom postupku, odlučeno je kao u dispozitivu.

Pouka o pravnom lijeku: Protiv ove odluke može se izjaviti žalbe Upravnom odboru Kantonalnog stambenog fonda Sarajevo u roku od 15 dana od dana donošenja Odluke.

Dostaviti:

- Odjel za pravne i ekonomske poslov
- Arhivi

